



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo Thebano, & Davaliensi & Sydoniensi Episcopis.

urn:nbn:de:hbz:466:1-20020

permittatis venerabilem fratrem nostrum Archiepiscopum Larissenum & suffraganeos suos Ecclesias, abbatias, Clericos, possessiones, decimas, & alia jura quæ ad Ecclesias pertinent eorundem pacificè possidere. Datum Laterani Nonis Julij, anno tertio decimo.

ARCHIEPISCOPO LARISSENO.

Epist. 106. Vi subleuet paupertatem Episcopi Cardiceni.
Cum venerabilis frater noster Cardicenis Episcopus multa labore inopia, multaque paupertate prematur, cum ex Ecclesiæ suæ redditibus vix possit simplex Clericus sustentari, fraternitatem tuam rogamus attentius & monemus, per apostolica tibi scripta mandantes quatinus ipsius paupertati compatiens, ejusque indigentiam miseratus, ei procures in aliquo providere, ut mendicare in clericali ordinis vituperium non cogatur. Datum Laterani III. Nonas Julij, anno XIII.

COMESTABULO ROMANIÆ, Domino de Armiro, A. de Plaerio, & aliis Baronibus & populis Latinis & Græcis in Cardicensi diocesi constitutis.

Epist. 107. Scribitur pro tunc.
Sancam Dei Ecclesiam sponsam Christi honorare vos convenit, non gravare; ne forsan Christus Dominus sponsus ejus, ipsius gravamine provocatus, vos aggravet, & dum auferre sibi modicum quod habet intenditis, plura perdere vos contingat. Cum igitur venerabilis frater noster Episcopus Cardicenis quædam Ecclesiæ suæ jura vos asserat minus licitè detinere, universitatem vestram monemus atque exhortamur in Domino quatinus detenta omnia divinæ considerationis obtentu & pro sedis apostolicæ reverentia eidem Ecclesiæ restituere cum integritate debita procurantes, non impediatis quò minus idem Episcopus abbatias, Ecclesias, possessiones, decimas tam Græcorum quam Latinorum, & alia Ecclesiæ suæ jura valeat pacificè possidere. Datum Laterani II. Nonas Julij, anno tertio decimo.

ILLVSTRI CONSTANTINOPOLITANO Imperatori.

Epist. 108. De solatis restitendis Episcopo Citrensi. Parisiensi Episcopo.
Conquestionem dilecti filij Citrensis electi nobis accepimus præsentatam quòd nobilis vir V. Alemannus & quidam alij milites & homines tui Ecclesias Citrensem & Platamonensem, castellum etiam de Citro, decimas tam Latinorum quam Græcorum, ac possessiones alias ad ipsum & Ecclesias memoratas rationabiliter pertinentes per violentiam invaserunt, Tom. II.

& detinent contra justitiam occupatas. Ideoque imperialem excellentiam monemus & exhortamur in Domino quatinus eos ut Ecclesias & possessiones easdem ac decimas electo restituant memorato, & de perceptis satisfactionem exhibeant competentem, tradita tibi à Deo potestate compellas. Datum Laterani VI. Idus Julij, anno tertio decimo.

EPISCOPO SIDONIENSI, & electo Nazarescensi, & procuratori Dimicensi.

Epist. 109. De ablatis restitendis Ecclesiæ Cardiceni.
Conquestus est nobis venerabilis frater noster Episcopus Cardicenis quòd nobilis vir Comestabulus Romanæ, Dominus de Armiro, A. Plaerio, Dominus de Valestino, Balivus carissimi in Christo filij nostri Constantinopolitani Imperatoris illustris, & quidam alij Cardicenis diocesis monasteria, abbatias, Ecclesias, decimas tam Latinorum quam Græcorum, & possessiones alias ad ipsum de jure spectantes contra justitiam detinent occupatas, se habere jus patronatus in monasteriis, abbatibus, & Ecclesiis asserentes; qui etiam quosdam laicos Latinos & Græcos ipsius diocesis nolentes decimas sibi debitas exhibere super hac nequitia confovent & tuentur; contra quos licet pluries obtinuerit scripta nostra, non potuit justitiam obtinere, cum illi quibus super hoc scriptimus, postponentes humano timori divinum, plus hominibus quam Deo duxerint deferendum, processum super injuncto sibi negotio non habentes. Ne igitur jura ecclesiastica pereant per insolentiam laicorum, discretionem vestram per apostolica scripta mandamus quatinus nobiles prædictos & alios, ut & integrè detenta restituant, & ab hujusmodi præsumptione desistant, monitione præmissa, censura ecclesiastica appellatione remota, sicut justum fuerit, compellatis. Quòd si non omnes &c. duo vestrum ea &c. Datum ut in alia.

ARCHIEPISCOPO THEBANO, & Davaliensi & Sydoniensi Episcopis.

Epist. 110. De libera potestate restitendi in favorem Ecclesiarum. Vide supra epist. 98.
Venerabilium fratrum nostrorum Archiepiscoporum & Episcoporum ac dilectorum filiorum aliorum Prælatorum Constantinopolitani imperij gravem nuper accepimus questionem quòd nobilis vir Otto de Roca Dominus Athenarum & alij Barones & Milites ipsius imperij communiter inhibuerunt in eorum gravissimum detrimentum ne quis de pos-
 N n n

sessionibus suis in vita sua conferat, vel in extremo articulo condat Ecclesiis testamentum. Cum igitur ex inhibitione huiusmodi & Ecclesiarum dispendium & inhibentium interitus procuretur, fraternitati vestrae per apostolica scripta mandamus quatinus illos ut eandem inhibitionem relaxent moneatis attentius & efficaciter inducatis, ipsos ad id, si necesse fuerit, per censuram ecclesiasticam appellatione remota, sicut iustum fuerit, compellentes. Quod si non omnes &c. duo vestrum ea &c. Datum ut in alia.

*SYDONIENSI ET CARDICENSI
Episcopis, & electo Nazorensi.*

*Epist. 111.
De ablatis restituendi Ecclesie Citrensi.
Vide supra epist. 108.*

Conquestionem dilecti filij Citrensis electi nobis accepimus presentatam quod nobiles viri V. Alemannus & quidam alij Citrensis diocesis Ecclesias Citrensem & Platamonensem, castellum etiam de Citro, decimas tam Graecorum quam Latinorum, ac possessiones alias ad ipsum & Ecclesias memoratas rationabiliter pertinentes per violentiam invaserunt, & detinent contra iustitiam occupatas. Quocirca discretioni vestrae per apostolica scripta mandamus quatinus illos ut Ecclesias, decimas, & possessiones easdem electo memorato restituant, & de perceptis satisfactionem exhibeant competentem, monitione praemissa per censuram ecclesiasticam appellatione remota, sicut iustum fuerit, compellatis. Testes autem qui fuerint nominati, si se gratia, odio, vel timore subtraxerint, per censuram eandem appellatione remota cogatis perhibere testimonium veritati. Quod si non omnes &c. duo vestrum ea &c. Datum ut in alia.

*ARCHIEPISCOPO NEOPATRENSI,
& Episcopo Davaliensi, & electo
Cytrensi.*

*Epist. 112.
De decimis sellendis.
Vide supra epist. 103.*

Conquesti sunt nobis venerabiles fratres nostri Larissenus Archiepiscopus & suffraganci ejus quod nobilis mulier relicta bonae memoriae Marchionis Montiferrati decimas ipsis debitas nec ipsa persolvit, nec ab hominibus suis Graecis videlicet & Latinis permittit exolveri. Cum igitur decimae, quae tributa sunt egentium animarum, a laicis sine salutis periculo detineri non possint, discretioni vestrae per apostolica scripta mandamus quatinus eandem nobilem, ut debitas decimas & ipsa persolvat eisdem, & ab aliis persolvi permittat, monitione praemissa per censuram ecclesiasticam appellatione postposita

compellatis. Quod si non omnes &c. duo vestrum ea &c. Datum ut in alia &c.

*ARCHIEPISCOPO NEOPATRENSI
& Priori sancti Demetrii Thessalonicensis,
& procuratori episcopatus Dimicensis.*

Lacrymabilem venerabilis fratris nostri Cardicensis Episcopi &c. ut supra epist. C I. per totum. Datum Laterani No. nis Iulij, pontificatus nostri anno tertio decimo.

In e. vi. exemplari sequens nota adjecta erat in margine superioris epistola & duarum a qua sequuntur. Ista littera faciunt referre, & sic correpta, postquam fuerunt ambe bullatae.

*CARDICENSI, SYDONIENSI,
& Fermopilensi Episcopis.*

Dilecti filij Prior & Capitulum domini sepulchri suam nobis obtulere querelam quod cum dilectus filius noster Benedictus tituli sanctae Susanna Praebiter Cardinalis, qui tunc in partibus Romanae legationis officioungebatur, monasterium sancti Lucae de Sciro cum pertinentiis suis ipsis & eorum Ecclesiae pia devotione duxerit concedendum, Abbas & monachi ejusdem monasterij Graeci Davaliensis diocesis dicti Cardinalis concessioni temere obviantes, fulti quorundam auctoritate potentum, debitam eisdem obedientiam & reverentiam contumaciter denegant exhibere, & tam ipsi quam praedicti potentes ipsis super eodem monasterio graves molestias inferre praesumunt. Nolentes igitur praedictos Priorem & fratres in sua pari iustitia laesionem, fraternitati vestrae per apostolica scripta mandamus quatinus Abbatem & monachos memoratos, ut ipsis Priori & Capitulo debitam exhibeant obedientiam & honorem, & laicos, ut ab eorum molestationibus indebitis penitus conquiescant, monitione praemissa per censuram ecclesiasticam appellatione postposita compellatis. Nullis litteris veritati & iustitiae praedictis a sede apostolica impetratis. Quod si non omnes &c. duo vestrum &c. Datum Laterani Idibus Iulij, pontificatus nostri anno tertio decimo.

*ILLVSTRI CONSTANTINOPOLITANO
Imperatori.*

Si te servum recognovis illius per quem datur potentialiter omnis honor & conceditur principatus, honorare te condecet sanctam Dei Ecclesiam, sponsam Christi, & ejus ministros sceptro tuae potentiae ab hostium incurisibus defendere, ut dum commoditatibus summi Regis pie intenderis